

Broj: 01-14.3-1602-6/15
Datum: 18.12.2015.godine

Na osnovu člana 69. Zakona o javnim nabavkama („Službeni glasnik BiH" broj 39/14), direktor Federalnog zavoda za statistiku, na prijedlog Komisije za javne nabavke, donosi

ODLUKU

I

Poništava se Odluka o izboru najpovoljnijeg ponuđača broj 01-14.3-1602-3/15 od 02.12.2015.godine po provedenom konkurentskom postupku za izbor najpovoljnijeg ponuđača za nabavku licence Oracle DB Standard Edition One, a po obavještenju o nabavci broj 419-7-1-19-54/15 objavljenom na portalu javnih nabavki dana 20.11.2015.godine.

II

Poništava se postupak javne nabavke po provedenom konkurentskom postupku za izbor najpovoljnijeg ponuđača za nabavku licence Oracle DB Standard Edition One, a po obavještenju o nabavci broj 419-7-1-19-54/15 objavljenom na portalu javnih nabavki dana 20.11.2015.godine.

Obrazloženje

Nakon upućivanja poziva za dostavu ponuda za nabavku licence Oracle DB Standard Edition One putem konkurentskog postupka i objavljivanja obavještenja o nabavci na portalu javnih nabavki, samo jedan zainteresovani ponuđač je dostavio ponudu.

Ponuđač koji je izabran kao najpovoljniji (Gauss d.o.o. Tuzla) je ujedno pozvan da u roku od pet dana od dana prijema odluke o izboru najpovoljnijeg ponuđača dostavi dokumentaciju kojom dokazuje ispunjavanje uslova navedenih u dostavljenim izjavama.

Ponuđač Gauss d.o.o. Tuzla je u ostavljenom roku dostavio dokumentaciju kojom se dokazuje ispunjenost uslova navedenih u tenderskoj dokumentaciji.

Komisija je nakon uvida u dostavljenu dokumentaciju izabranog ponuđača Gauss d.o.o. Tuzla, konstatovala da izabrani ponuđač nije dostavio dokument koji je tražen tačkom 14. tenderske dokumentacije, a za koje je dostavljena izjava o ispunjavanju traženih uslova.

Tačkom 14. tenderske dokumentacije propisano je da ponuđač, da bi učestvovao u predmetnoj javnoj nabavci mora ispunjavati sljedeće uslove:

- a) Da ima najmanje tri izvršena ugovora za isporuku računarske opreme u vrijednosti predmetne nabavke, u posljednje tri godine;
- b) Da ima autorizaciju proizvođača ponuđenog proizvoda

U skladu sa navedenom tačkom tenderske dokumentacije, ponuđač Gauss d.o.o. Tuzla, koji je izabran kao najbolji u predmetnom postupku javne nabavke, bio je dužan dostaviti sljedeće dokumente kojima dokazuje činjenice navedene u izjavi i to:

- a) Spisak od najmanje tri izvršena ugovora za isporuku računarske opreme u vrijednosti predmetne nabavke u posljednje tri godine **uz potvrde** ugovornih organa kod kojih je usluga realizovana.
- b) Autorizacija proizvođača naslovljena na ponuđača

S obzirom da ponuđač Gauss d.o.o. Tuzla **nije** dostavio dokumentaciju (potvrde ugovornih organa kod kojih je usluga realizovana) koju je u skladu sa tačkom 14.tenderske dokumentacije i dostavljenim izjavama bio dužan dostaviti, Komisija za javne nabavke je predložila direktoru da poništi odluku o izboru najpovoljnijeg ponuđača.

Kako je članom 69. Zakona o javnim nabavkama propisano da je ugovorni organ dužan poništiti postupak javne nabavke u slučaju kada nijedna od primljenih ponuda nije prihvatljiva, riješeno je kao u dispozitivu.

Pravna pouka: Protiv ove odluke je dozvoljena žalba. Žalba se izjavljuje Uredu za razmatranje žalbi, a podnosi se Federalnom zavodu za statistiku, u roku od 5 dana od dana prijema ove Odluke.



DIREKTOR
Emir Krezić
Dr. Emir Krezić

DOSTAVITI:

1. Ponuđaču
- 2.
- ③ Odsjeku za pravne, kadrovske i opće poslove
4. a/a

Broj: 01-14.3-1602-3/15
Datum: 02.12.2015. godine

Na osnovu člana 70. i 89. Zakona o javnim nabavkama („Službeni glasnik BiH“ broj 39/14), direktor Federalnog zavoda za statistiku, na prijedlog Komisije za javne nabavke, donosi

O D L U K U O IZBORU NAJPOVOLJNIJEG PONUĐAČA

I

Najpovoljnijim ponuđačem po provedenom konkurentskom postupku za izbor najpovoljnijeg ponuđača za nabavku licence Oracle DB Standard Edition One, a po obavještenju o nabavci broj 419-7-1-54/15 objavljenom na portalu javnih nabavki dana 20.11.2015. godine, proglašava se ponuđač Gauss d.o.o. Tuzla.

Obrazloženje

Nakon upućivanja poziva za dostavu ponuda za nabavku licence Oracle DB Standard Edition One putem konkurentskog postupka i objavljivanja obavještenja o nabavci na portalu javnih nabavki, tri zainteresovana ponuđača su preuzela tendersku dokumentaciju, dok je samo jedan ponuđač dostavio ponudu.

Komisija je utvrdila da je ponuda blagovremena, kao i da ispunjava kvalifikacione uslove propisane tenderskom dokumentacijom, kao i uslove propisane tehničkom specifikacijom (ponuđena licenca Oracle DB Standard Edition 2).

S obzirom da ponuda ponuđača Gauss d.o.o. Tuzla ispunjava sve kvalifikacione, kao i uslove propisane tehničkom specifikacijom, Komisija je predložila direktoru da ugovor o nabavci licence Oracle DB Standard Edition 2, dodijeli ponuđaču Gauss d.o.o. Tuzla sa ponuđenom cijenom od 33.668,95 KM.

Kako je članom 89. stav 3. Zakona propisano da kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke, a da su u Budžetu Federalnog zavoda za statistiku osigurana finansijska sredstva za predmetnu javnu nabavku, riješeno je kao u dispozitivu.

Pravna pouka: Protiv ove odluke je dozvoljena žalba. Žalba se izjavljuje Uredu za razmatranje žalbi, a podnosi se Federalnom zavodu za statistiku, u roku od 5 dana od dana prijema ove Odluke.




DIREKTOR
Hidajeta Bajramović

DOSTAVITI:

1. Ponuđačima
2. Odsjeku za pravne, kadrovske i opće poslove
3. a/a